

其正也無自伐之心故爲而不恃無自滿之志故功成不居不持其爲不居其功故不欲見賢

黃茂材曰有道之士以太虛爲室以無何有爲鄉以日月山川爲其燕娛乘雲氣驅役陰陽飲沆瀣而食至和皆天地間物之有餘者取之不窮用之無盡將以養其精神無使不足而已非夫聖人孰能爲之然亦何嘗恃其爲之之跡居成功而見其賢耶

天下柔弱章第七十八

天下莫柔弱於水而攻堅強者莫之能先以其無以易之也

御注曰易以井喻性言其不改老氏謂水幾於道以其無以

道藏輯要

道德真經
彭鶴林集註

巽

心集八
四十一

易之也有以易之則徇人而失己烏能勝物惟無以易之故萬變而常一物無得而勝之者

臨川王安石曰天下之物能小而不能大能方而不能圓水則不然因地而爲小大隨器而爲方圓不失其常故曰無以易

耳 王雱曰水方圓曲直隨物萬變而初不易已此其所以終能勝物也夫玉石堅強矣而持以攻物有時而碎者以其可易

道真仁靜先生曹道冲曰柔之力甚大日以摩軋馳騁堅而強者皆不能勝之矣

陳象古曰水之爲功善利萬物入汗流下非柔而何攻堅強者恃力違順故不能勝水之柔也無以易之其理自然故不可改易

清源子劉驥曰水且尙爾況於道乎道之爲物惟恍惟惚至柔至弱也

黃茂材曰上善若水章言水善利萬物而不爭處眾人所惡與此所言大抵略同含垢納汙水之德也雖爲天下王莫能違之

柔之勝剛弱之勝強天下莫不知而莫之能行
御注曰智及之仁不能守之

道藏輯要

道德真經
彭鶴林集註

聖

心集八

碧虛子陳景元曰夫水之滅火陰之制陽舌柔齒剛舌存齒亡此天下之莫不知以世俗之所共聞也而迺各師其心莫能行其柔弱之道此老氏所以重歎息故引聖人之言

道真仁靜先生曹道冲曰人非不知而不能行者何也以其好強恥弱也

陳象古曰水眾人之所見非難知之物也莫能知則信道不明崇道不篤也

是以聖人言受國之垢是謂社稷主受國之不祥是爲天下王碧虛子陳景元曰聖人言者三墳之遺文也或老氏之論也垢穢辱也言人君能含受垢穢引萬方之罪在予一人予一

人有罪無以汝萬方則民仰德美而不離散可以常奉社稷而為主矣又人君能謙虛用柔稱孤寡不穀則四海歸仁六合宅心是謂天下王矣傳曰山澤納汗國君含垢蓋近之矣涑水司馬光曰含垢納汗乃能成其大

道真仁靜先生曹道冲曰社稷之主如天地之大江海之寬容垢包濁無所不可祥者善也自是則人皆非之不自善者人皆美之故王天下

葉夢得曰不祥重於垢故所受彌多所得彌大

程大昌曰百姓有過在予一人小人怨汝詈汝則曰朕之愆允若時是受垢也人之所惡惟孤寡不穀而侯王以為稱是

道藏輯要

道德真經
彭鶴林集註

哭

心集八

受不祥也二者皆莊子之所謂謙下濡弱也

正言若反

御注曰言豈一端而已反於物而合於道是謂天下之至正碧虛子陳景元曰夫能行柔弱則為王為主尚剛強則招禍招咎聖人受垢受惡則永保元吉世俗樂美樂榮則終致災凶正言俗意如此乖反明矣

穎濱蘇轍曰正言合道而反俗俗以受垢為辱受不祥為殃故也

王雱曰此可為智者道爾正言若反反於小智之近情而合於大道之至正也

道真仁靜先生曹道冲曰皆反於俗見故曰若反

陳象古曰似反於正矣受垢爲社稷主受不祥爲天下王以言觀之則似非正以理觀之則至正矣

葉夢得曰此正言而人謂之反以其言觀之也

黃茂材曰合於道者反於俗

程大昌曰若反而實不反也

和大怨章第七十九

和大怨者必有餘怨安可以爲善

御注曰復讐者不折禦干雖有忤心不怨飄瓦故無餘怨愛人者害人之本也偃兵者造兵之本也安可以爲善

道藏輯要

道德真經
彭鶴林集註

巽

心集八

碧虛子陳景元曰怨恚也惡也相望也大怨者輕生徇死之謂也夫國君不能無爲無事謙卑柔弱而民乃多欲好爭姦詐並興怨惡相望心氣不平遂使輕生徇死之徒攘臂於道術矣而國君設教立法以繩之其殺人者死傷人者刑而和報其恚惡怨望也然以事和之則翻濟其怨故知有怨而和之者未若無怨而不和也徒知和其大怨而不省其大怨之所由興雖和之以至公而不免有餘怨若乃大小多少而以無心至德報之者幾乎造物哉夫聖賢本以刑政和報其怨惡奈何姦詐愈甚而怨望益多也如是則安可以爲善

穎濱蘇轍曰夫怨生於妄而妄出於性知性者不見諸妄而